

Zbirka medijskih objava

VladaBrckoDistrikta_kliping_dnevno,
za razdoblje 10. 9. 2020

Broj objava: 9

Internet: 2

Televizija: 2

Štampa: 5

Teme praćenja:

Vlada Brčko Distrikta: 2

Gradonačelnik: 1

Skupština Brčko: 0

Brčko: 7

Vlada Brčko Distrikta:

Internet	Naslov	Brčko: Vlada održala četvrti nastavak 84. redovne sjednice		
Serijski br. 1	Medij; Doseg	Ebrcko.net; , Bosna i Hercegovina		
	Rubrika, Datum	Ostalo; 9. 9. 2020		
	Autor	Unknown		
	Teme	Vlada Brčko Distrikta		

Internet	Naslov	U toku rekonstrukcija dionice "malezijskog puta" u dužini od 1.100 metara - Radio Brčko distrikta BiH		
Serijski br. 2	Medij; Doseg	Radiobrcko.ba; , Bosna i Hercegovina		
	Rubrika, Datum	Ostalo; 9. 9. 2020		
	Autor	Unknown		
	Teme	Vlada Brčko Distrikta		

Gradonačelnik Brčko Distrikta:

Štampa	Naslov	Maočanka povećala izvoz za 100 posto		
Serijski br. 1	Medij; Doseg	Poslovne novosti; , Bosna i Hercegovina	Stranica: 9	Površina: 304 cm ²
	Rubrika, Datum	Poslovne novosti; 10. 9. 2020		
	Autor	Unknown		
	Teme	Gradonačelnik Brčko Distrikta , Brčko		

Brčko:

Televizija	Naslov	Koronavirus u BiH		
Serijski br. 1	Medij; Doseg	O kanal; , Bosna i Hercegovina	18:25	Trajanje: 1 min
	Rubrika, Datum	O Dnevnik; 9. 9. 2020		
	Autor	Unknown		
	Teme	Brčko		

Televizija	Naslov	Korona u BiH: 6 preminuloa a 293 novozaraženih		
Serijski br. 2	Medij; Doseg	Radio televizija BN; , Bosna i Hercegovina	19:30	Trajanje: 3 min
	Rubrika, Datum	Dnevnik; 9. 9. 2020		
	Autor	Lukić Tatjana		
	Teme	Brčko		

Štampa	Naslov	Porodici ubijenog zabranjen ulazak u Sud i praćenje suđenja		
Serijski br. 3	Medij; Doseg	Dnevni avaz; 50.000, Bosna i Hercegovina	Stranica: 17	Površina: 359 cm ²
	Rubrika, Datum	Crna hronika; 10. 9. 2020		
	Autor	B.Cerić		
	Teme	Brčko		

Štampa	Naslov	Poruka budućim generacijama da se zločin ne smije ponoviti		
Serijski br. 4	Medij; Doseg	Dnevni list; , Bosna i Hercegovina	Stranica: 6	Površina: 587 cm ²
	Rubrika, Datum	Događaji; 10. 9. 2020		
	Autor	Unknown		
	Teme	Brčko		

Štampa	Naslov	U BiH ove sedmice stiže 60.000 PCR testova		
Serijski br. 5	Medij; Doseg	Oslobođenje; , Bosna i Hercegovina	Stranica: 7	Površina: 480 cm ²
	Rubrika, Datum	Događaji; 10. 9. 2020		
	Autor	Babić Merima		
	Teme	Brčko		

Štampa	Naslov	Maočanka povećala izvoz za 100 posto		
Serijski br. 6	Medij; Doseg	Poslovne novosti; , Bosna i Hercegovina	Stranica: 9	Površina: 304 cm ²
	Rubrika, Datum	Poslovne novosti; 10. 9. 2020		
	Autor	Unknown		
	Teme	Gradonačelnik Brčko Distrikta , Brčko		

Štampa	Naslov	Korona ostavila ozbiljne posljedice na plućima pacijenata u BiH		
Serijski br. 7	Medij; Doseg	Večernji list; , Bosna i Hercegovina	Stranica: 9	Površina: 378 cm ²
	Rubrika, Datum	Aktualno; 10. 9. 2020		
	Autor	Unknown		
	Teme	Brčko		

Brčko: Vlada održala četvrti nastavak 84. redovne sjednice




sreda, 09 septembar 2020 13:26 Autor eBrcko Kategorija: Vijesti **Brčko**

Vlada Brčko distrikta BiH na današnjem četvrtom nastavku 84. redovne sjednice usvojila je Prijedlog odluke o usvajanju Programa utroška sredstava tekućih grantova u 2020. godini u Odjeljenju za raseljena lica, izbjeglice i stambena pitanja (**II** dio) i odobrila Izvještaj o izvršenju Budžeta **Brčko** distrikta **BiH** za period januar – jun 2020. godine.

Članovi Vlade usvojili su Prijedlog zaključka kojim se daje saglasnost na dostavljeni Memorandum o razumijevanju između Ministarstva civilnih poslova **BiH** i Ministarstva mladih i sporta Republike Bugarske o saradnji u području mladih i sporta, Prijedlog zaključka o davanju saglasnosti na dostavljeni program obrazovne i kulturne saradnje između Ministarstva civilnih poslova **BiH** i Ministarstva ljudskih resursa Mađarske (2021-2025), Prijedlog zaključka o davanju saglasnosti na pristupanje predstavnika nadležnih institucija o pripremnim aktivnostima na izradi strateškog dokumenta i data je saglasnost na Nacrt pravilnika o upisu čamaca u upisnik i izdavanje plovidbene dozvole.

Na sjednici je usvojen Prijedlog odluke o izmjeni Odluke o utvrđivanju sistema horizontalne koordinacije **Brčko** distrikta **BiH** u procesu evropskih integracija, Prijedlog odluke o imenovanju predstavnika **Brčko** distrikta **BiH** u radnu grupu za programiranje budućeg **IPA III** programa prekogranične saradnje između Srbije i Bosne i Hercegovine 2021-2027. i Prijedlog odluke o izmjenama Odluke o imenovanju predstavnika **Brčko** distrikta **BiH** u radna tijela u okviru mehanizma koordinacije u procesu evropskih integracija.

Koronavirus u BiH



Korona u BiH: 6 preminuloa a 293 novozaraženih



U toku rekonstrukcija dionice "malezijskog puta" u dužini od 1.100 metara - Radio **Brčko** distrikta BiH

Radovi na rehabilitaciji dionice „malezijskog puta“ pored naselja Brka na potezu od saobraćajnog kružnog toka na brčanskoj obilaznici kod FIS-a u pravcu Bukvika i Cerika, započeli su frezanjem gornjeg sloja asfalta 1. septembra.



„Rok za završetak radova je 50 kalendarskih dana, investitor je JP „Putevi“ **Brčko**“ sa iznosom od oko 280.000 KM, a rekonstrukcija ove ceste u dužini od 1.100 metara trebala bi biti završena u roku“, kazao je za *Radio **Brčko*** ing. Avdulah Čandić, viši stručni saradnik za puteve u Vladinom Odjelu za javne poslove.



ing. Avdulah Čandić

Ukoliko vrijeme posluži, radovi bi mogli biti završeni i prije ugovorenog roka.

Rekonstrukcija ove dionice puta podrazumijeva kompletnu zamjenu habajućeg sloja asfalta i nosivog sloja gdje je došlo do oštećenja donjeg sloja puta.

Čandić je napomenuo da će nakon završetka radova cijela društvena zajednica, a učesnici u saobraćaju pogotovo, dobiti jednu novu sigurnost na putu, sa novim saobraćajnim slojem asfalta gdje neće biti udarnih rupa.



On je apelovao na sve vozače da poštuju propisano ograničenje brzine za vrijeme vožnje.

Tokom izvođenja radova, saobraćaj će biti povremeno obustavljan i regulisan od strane službenog osoblja, a za vrijeme postavljanja novog sloja asfalta saobraćaj će biti preusmjeren u pravcu naselja Brka.

Država: Bosna i Hercegovina

srijeda

Doseg:

Indeks<https://radiobrcko.ba/vijesti-brcko/u-toku-rekonst...>

4 / 4





BRCKO Nevjerovatna odluka Vijeća u predmetu "Edin Zejčirović"

Porodici ubijenog zabranjen ulazak u Sud i praćenje suđenja


Podnijeli smo apelaciju da nema procesnih smetnji da bi oštećeni, koji su već dali svoj iskaz, mogli prisustvovati suđenju, kaže advokat Mirza Fazlić

Suđenje ubicama Edina Zejčirovića u **Brčkom** zasjenila je nevjerovatna odluka Suda da se porodici nastradalog zabrani, ne samo da prisustvuje glavnom pretresu, na šta imaju pravo kao oštećeni, već im nije dozvoljen ni ulazak u zgradu Suda.

Dali iskaz

Potvrdio nam je to brčanski advokat Mirza Fazlić, koji zastupa porodicu Zejčirović. On je pojasnio da je na prošlom pretresu došlo do incidenta, nakon čega je porodica ubijenog bila udaljena iz sudnice, što je kod njih izazvalo gnjev.

- Mi smo se pismeno obraćali predsjedniku Su-



Ubijeni Edin Zejčirović

da s apelacijom da nema procesnih smetnji da bi oštećeni, koji su već dali

svoj iskaz, mogli prisustvovati suđenju, bez obzira što ja prisustvujem i

Snimali zlostavljanje

Optuženi se terete da su 17. novembra 2019. godine, između 18.30 i 22 sata, prema prethodnom dogovoru, oteli Edina Zejčirovića, a potom ga mučili i tukli do smrti. Optuženi su mobitelom snimali zlostavljanje mladića.

njih izvještavam. To je, zaista, jedno mučno suđenje i dešavaju se neke stvari koje se ne bi trebale događati – kazao nam je advokat Fazlić.

Inače, na suđenju se još izvode dokazi Tužilaštva saslušanjem svjedoka. Nastavak je zakazan za 15. septembar u 10.30 sati, kada će biti saslušani policijski inspektori koji su učestvovali u istrazi.

Novi termini

Na statusnoj konferenciji u utorak Sud će odrediti nove termine pretresa.

Na optuženičkoj klupi Općinskog suda **Brčko** Distrikta BiH su Suan Halilović, Samid Šabanović, Nihad Hukić i Suvad Djedović, koji se terete za otmicu i svirepo ubistvo Edina Zejčirovića.

B. CERić



Enveru Zejčiroviću nije dozvoljen ulazak u Sud



Sjećanje na ubijene civile u Grabovici, komemoraciji prisustvovali i ratni veterani iz regije

Poruka budućim generacijama da se zločin ne smije ponoviti

Ratni veterani, bivši pripadnici Armije RBiH, HVO, HV-a, VRS-a i VJ, položili su cvijeće i odali počast ubijenim civilima u Grabovici.

Svojim prisustvom u Grabovici veterani su, kao i prošle godine, željeli iskazati žal za ubijenim civilima, pružiti podršku obiteljima žrtava i pozvati institucije na dodatne napore s ciljem pronalaska posmrtnih ostataka i kažnjavanja svih odgovornih za ovaj ratni zločin.

U mjestu Grabovica, koje se nalazi između Jablanice i Mostara, 8. i 9. rujna 1993. ubijen je veći broj civila. Prema navodima Udruge hrvatskih stradalnika "Grabovica 93" u tih nekoliko dana rujna 1993. ubijena su 33 civila, a veći dio posmrtnih ostataka ubijenih ni do danas nije pronađen. Za ovaj ratni zločin pred sudovima u Bosni i Hercegovini osuđeno je pet pripadnika Armije RBiH.

Ne smije se ponoviti

Prema sudskim presudama civili su ubijeni na posebno brutalan način, a među njima je i četverogodišnja djevojčica Mladenka Zadro koja je ubijena u naručju svoje majke. Prema nalazima Haškog tribunala, među ubijenima je i pripadnik Armije RBiH Ivica Čavlović koji se usprotivio ubijanju civila tog rujna 1993.

„Ono što mi smatramo bitnim i što je naš cilj jeste da posjećujemo ovakva mjesta i da ukažemo na sva stradanja koja su se dogodila. Mi okupljamo učesnike ratova s prostora šire regije i oni isto tako osjećaju obavezu i odgovornost da posjećuju ovakva mjesta. Smatramo da ćemo dolaskom na ta mjesta i iznošenjem naših iskustava ukazati na to kako je rat jedna destruktivna situacija i da naučimo da napravimo otklon od tog nasilja šaljući poruku budućim generacijama da se to ne smije ponoviti. Grabovica je još jedno od mjesta gdje je viđen civilizacijski sunovrat, gdje je počinjen strašan ratni

zločin i mi koji nastavljamo živjeti na ovim prostorima moramo se suočiti sa tim, osuditi zločin, nazvati ga pravim imenom i raditi na tome da se to više nikada ne ponovi“, kazao je Amer Delić, ratni veteran Armije RBiH i član tima Centra za nenasilnu akciju.

On je dodao da je važno da se vrati-mo dijalogu i izgradnji povjerenja kako bi se svi problemi i konflikti u društvu rješavali na miran način.

„Sva ova mjesta su nam opomene, mi gdje god krenemo nailazimo na strašne sudbine ljudi i ako na tome nismo naučili, čemu sve to... Uvijek rat i stradanje imaju alternativu, samo treba uložiti maksimalne napore. Osjećam potrebu i da pozovem institucije da se procesuiraju svi ratni zločini i da se pomogne svim porodicama koje potražuju sve najmilije“, kazao je Delić.

Bolna pitanja

Josip Drežnjak, predsjednik Udruge „Grabovica 93“ ukazao je i da 27 godina postije počinjenog zločina porodice traže tijela 17 ubijenih kao i da nema napretka na polju procesuiranja odgovornih.

„Nama je bolno i samo pitanje koliko tijela potražujemo jer smo samo dva kompletna tijela dobili, mi imamo situaciju da je pronađena samo jedna kost i to smo identifikovali i sahranili i to je to“, kazao je Drežnjak ukazujući na to da postoje jasni dokumenti o tome ko je učestvovao u zločinu kao i institucije i pojedinci koji su radili na uklanjanju tijela.

„Na dolazak ratnih veterana gledam pozitivno. Bez istine, jedni drugima da se pogledamo u oči, ako ja ne uvažavam tuđu žrtvu ja ne mogu uvažavati ni svoju žrtvu. I to je moja poruka, ne možemo prikrivati i moraju biti kazne jedinstvene. Ako je neko počinio silovanje, bez obzira ko on bio, moj brat, Srbin, Bošnjak ili Hrvat, mora biti jedinstvena kazna i onaj koji je to počinio mora da odgovara za to“, kazao je Drežnjak.



Mirovna organizacija Centar za nenasilnu akciju, sa uredima u Sarajevu i Beogradu, od 2008. godine organizuje posjete grupe ratnih veterana iz Hrvatske, Srbije i BiH mjestima stradanja civila i vojnika tokom posljednjeg rata te zvaničnim komemoracijama stradalim koje organizuju lokalne i državne vlasti i udruženja žrtava.

Mirko Zečević Tadić, bivši pripadnik HVO-a iz **Brčkog**, kazao je kako je u Grabovicu došao sa grupom ratnih veterana kao i prošle godine sa namjerom da odaju počast žrtvama.

„Došli smo da pokažemo da možemo da učinimo taj jedan korak ka boljoj budućnosti, posebno za naša pokoljenja koja dolaze. Došli smo da damo poruku da rat ne treba više nikada i nikome. Ne trebamo suditi prema pojedincima koji urade neke stvari koje nisu dobre, posebno ratne zločine, takve ljude treba prozvati da izađu pred lice pravde kako bismo mogli nastaviti živjeti normalno“, rekao je Zečević Tadić.

Veterani iz regije u organizaciji Centra za nenasilnu akciju do sada su prisustvovali komemoracijama u BiH u Gornjem Vakufu, na Koti 715 kod Zavidovića, Stogu kod Vozuće, Novom Gradu/Bosanskom

Novom, Sanskom Mostu (Hrastova Glavica), **Sijekovcu** kod Broda, Laništima kod **Brčkog**, Trusini kod Konjice, Stupnom Dolu kod Vareša, Ahmićima u Vitezu, Skelanima kod Srebrenice, Korićanskim stijenama, Zecovima i Briševo kod Prijedora, u Srbiji u Grdeličkoj klisuri kod Leskovca, Varvarinu kod Kruševca, Aleksincu, Prijepolju te u Hrvatskoj u Pakracu, Varivodama i Gošiću kod Knina.

Grabovica je još jedno od mjesta gdje je viđen civilizacijski sunovrat, gdje je počinjen strašan ratni zločin i mi koji nastavljamo živjeti na ovim prostorima moramo se suočiti sa tim, osuditi zločin, nazvati ga pravim imenom i raditi na tome da se to više nikada ne ponovi“, kazao je Amer Delić, ratni veteran Armije RBiH i član tima Centra za nenasilnu akciju.



U Grabovici obilježena 27. Godišnjica stradanja Hrvata

Život za preživjele zaustavljen i može se nastaviti samo pronalaskom svih žrtava i privođenjem odgovornih pred lice pravde

MOSTAR - Molitvom, polaganjem vijenaca i paljenjem svijeća, u srijedu je obilježena 27. godišnjica ubojstva 33 hrvatska civila koje su u hercegovačkom selu Grabovica, smještenom između Jablanice i Mostara, ubili pripadnici Armije RBiH. Bila je to i prigoda da predsjednik Udruženja hrvatskih stradalnika "Grabovica '93" Josip Drežnjak još jednom podsjeti da se još uvijek traga za 17 tijela stradalih te pozove nadležne da urade više u tom pogledu.

"Za ovu državu bi bila sramota da Grabovica ostane zločin bez kazne", rekao je Drežnjak te ukazao da je život za preživjele zaustavljen i može se nastaviti samo pronalaskom posmrtnih ostataka svih žrtava i privođenjem odgovornih pred lice pravde.

I Enes Bajrić, ratni zapovjednik Armije BiH, odao je počast žrtvama zajedno s kolegama iz vojnih jedinica iz Hrvatske, Srbije i BiH, s kojima obilazi sva mjesta stradanja tražeći pravdu za sve žrtve ratnih zločina.

"Želimo poslati poruku narednim naraštajima u ove tri države da se samo istinom i obilježavanjem onog što se desilo te privođenjem pred lice pravde onih koji su krivi može živjeti zajedno i stvarati ljepšu i bolju budućnost za mlade, za one koji dolaze iza nas", poručio je Bajrić iz Grabovice.

"Došli smo u Grabovicu upaliti svijeću i odati počast ubijenim Hrvata

tima civilima i kako bi ova imena koja su danas ovdje pročitana odzvanjaju zauvijek ovom dolinom i brdima kao opomena svima onima koji su to učinili da će ih stići, ako ne ljudska, onda Božja kazna. A s druge strane, opomena svima nama da je zločin moguć i da svi trebamo raditi na tome da se nikada i nigdje ništa slično ovome ne ponovi", istaknuo je predsjednik FBiH Marinko Čavara dok je predsjednik HDZ-a 1990. Ilija Cvitanović dodao da se budućnost može graditi jedino na istini.

"Ključna poruka današnjeg susreta je da se budućnost može graditi samo na istini i na kažnjavanju ratnih zločinaca. Budućnost se nikako ne može graditi na skrivanju istine i na nekažnjavanju. I danas pozivam sve nadležne i odgovorne da daju poštovanje poginulim žrtvama kažnjavajući one koji su krivi za njihovu smrt i da napokon nađu mir te da njihove obitelji nađu utjehu. Ova zemlja neće imati mir dok god ne budu kažnjeni svi oni koji su krivi za ovako okrutne ratne zločine", poručio je Cvitanović.

"Kao pripadnik Armije Republike BiH, stidim se onih koji su počinili ovaj zločin, znajući koliko je pravedna i časna bila borba naše Armije RBiH. Žrtve ovog zločina ne smije se zaboraviti, neka počivaju u miru", objavio je u povodu ove tužne obljetnice na svom zvaničnom Facebook profilu član Predsjedništva BiH Željko Komšić.



Žrtve

U mjestu Grabovica je 8. i 9. rujna 1993. godine ubijeno 33 civila, a oni su, prema sudskim presudama, ubijeni na osobito brutalan način. Najmlađa žrtva tog zločina bila je Mladenka Zadro, koja je, kada je ubijena, imala svega četiri godine. Najstarija žrtva bio je 87-godišnji Marko Marić. Preživjeli članovi obitelji žrtava tragaju za još 17 tijela, za koja se ne zna jesu li ukopana ili bačena u Neretvu.

Kazne

Za zločin u Grabovici, Međunarodni kazneni sud za bivšu Jugoslaviju pravomoćno je kaznene odgovornosti oslobodio načelnika Glavnog stožer vrhovnog stožer Armije RBiH Sefera Halilovića, kreatora operacije "Neretva '93", u okviru koje je počinjen ovaj masakr. Pred domaćim sudovima u BiH odgovarali su bivši pripadnici Armije RBiH, i to za pojedinačna ubojstva, no nitko za ratni zločin protiv civilnog stanovništva i(li) po zapovjednoj odgovornosti. Do danas je presuđeno petorici pripadnika Armije RBiH: na 9 godina zatvora osuđen je Mustafa Hota, na 10 godina zatvora osuđen je Enes Šakrak, dok su Nihad Vlahovljak, Sead Karagić i Haris Rajkić osuđeni na po 13 godina zatvora.



Dr. Mirza Palo: Podjela donacija

U BiH ove sedmice stiže 60.000 PCR testova

Od Svjetske zdravstvene organizacije stiže i velika pošiljka medicinskih rukavica, koje će biti na raspolaganju naredne sedmice, kaže za Oslobođenje dr. Mirza Palo

Razgovarala: **MERIMA BABIĆ**

Bosna i Hercegovina i dalje bilježi rast broja oboljelih od koronavirusa. U protekla 24 sata ukupno ih je 294. U Federaciji je 203 novooboljelih, a čak 70 je registrovano u HNK-u, dok je u KS-u 31 novi slučaj. U izolatoriju KCUS-a na liječenju je 17 osoba. U FBiH je registrovano šest novih smrtnih slučajeva. U Republici Srpskoj je registrovano 90 novozaraženih, a smrtnih slučajeva nije bilo. U Brčko distriktu u protekla 24 sata zabilježen je jedan slučaj virusa Covid-19. Na odjeljenju brčanske bolnice smješteno je šest zaraženih pacijenata.

Nove količine

Kada je riječ o nabavci testova za koronavirus, posljednjih dana situacija se postepeno popravlja, a pojedini kantoni dobijaju i donacije od Svjetske zdravstvene organizacije, putem Ureda SZO-a u Bosni i Hercegovini. Dr. Mirza Palo, stručni saradnik za vanredne situacije Svjetske zdravstvene organizacije u BiH, kaže za Oslobođenje da će uskoro taj broj biti mnogo veći.

Kome donirate testove za koronavirus i medicinsku opremu, da li te aktivnosti idu preko ministarstva zdravstva ili direktno kliničkim

centrima i bolnicama u BiH i o kojim količinama se radi?

- Ured SZO-a u BiH sve donacije dogovara sa zdravstvenim vlastima u BiH (Ministarstvo civilnih poslova, Federalno ministarstvo zdravstva, Ministarstvo zdravlja i socijalne zaštite Republike Srpske, Odjel za zdravstvo i ostale usluge Brčko distrikta BiH), tako i njihovu raspodjelu koristeći ranije utvrdjene principe. Trenutno, do kraja sedmice Ured SZO-a u BiH očekuje pošiljku od 60.000 Rt-PCR testova za Bosnu i Hercegovinu, koji će doprinijeti postojećim kapacitetima za testiranje. Pored testova, velika pošiljka medicinskih rukavica će biti na raspolaganju tokom naredne sedmice. Podjela donacija će se raditi u dogovoru sa zdravstvenim vlastima u BiH.

Kako komentarišete opuštanje naših građana posljednjih mjeseci, imate li kakve savjete iz ugla SZO-a za građanstvo u ovoj aktuelnoj epidemiološkoj situaciji?

- SZO smatra da zdravstvene vlasti najbolje poznaju trenutnu situaciju sa širenjem koronavirusa u zajednici i prema tome donose preporuke koje su vezane za lokalni kontekst. U skladu sa navedenim, smatramo da zdravstvene

vlasti trebaju donositi ciljane preporuke i intervencije, prema trenutnoj epidemiološkoj situaciji koje će najbolje zaštititi populaciju i omogućiti što lakše svakodnevno funkcionisanje društva kao cjeline.

Zdravstvene vlasti trebaju donositi ciljane preporuke i intervencije prema trenutnoj epidemiološkoj situaciji koje će najbolje zaštititi populaciju

Koje su aktivnosti SZO-a u BiH u narednom periodu, do kraja ove godine, kada je riječ o borbi protiv Covid-19?

- Misija eksperata SZO-a iz regionalnog ureda za Evropu je u Bosni i Hercegovini od sedmog do 11. septembra ove godine, pa će se sastati s predstavnicima zdravstvenih vlasti u BiH. Lider misije je dr. Fabio Scano, ekspert za vanredne situacije, članovi misije su dr. Ardita Tahinukaj, ekspertica za osnovne zdravstvene usluge, i dr. Martha Scherzer, ekspert za kriznu komunikaciju.

Bliska saradnja

Pored navedene misije, SZO u BiH u saradnji sa zdravstvenim vlastima u BiH implementira projekte praćenja kontakata, istraživanja ponašanja tokom pandemije Covid-19 koji mogu uticati na odgovor vlasti na pandemiju i istraživanje seroprevalence (učestalost pojedinaca u populaciji koji imaju određen element - antitijela na Covid-19 - u serumu krvi). Dalje, SZO će nastaviti blisku saradnju sa zdravstvenim vlastima na odgovoru na pandemiju Covid-19 i normalizaciji pružanja osnovnih zdravstvenih usluga prema populaciji.



Testovi stižu u Covid bolnice u BiH / DIDIER TORCHE



GRADONAČELNIK BRČKOG OBIŠAO POLJOPRIVREDNE PROIZVOĐAČE

Maočanka povećala izvoz za 100 posto

Sivo tržište potrebno je smanjiti

Gradonačelnik Brčkog Siniša Milić obišao je poljoprivredna gazdinstva u mjestima Stanovi, Boderište i Maoča kod Brčkog gdje se u razgovoru sa poljoprivrednicima na terenu upoznao sa njihovim trenutnim poslovanjem, planovima ali i problemima sa kojima se suočavaju. "Imam priliku da vidim kako funkcionišu poljoprivredni proizvođači koji se bave voćarstvom, ratarstvom i stočarstvom. Dragocjeno mi je bilo da čujem njihova mišljenja i probleme sa kojima se suočavaju, a koje je moguće riješiti. Činjenica je da mi u septembru mjesecu još uvijek nemamo usaglašen pravilnik o podsticaju u poljoprivrednoj proizvodnji i nije to zamjerka ni prema jednom pojedincu niti rukovodiocu organa uprave. Mislim da je generalno upitan problem što smo svi navikli da te pravilnike radimo u kabinetima umjesto da posjetimo poljoprivredne proizvođače i na licu mjesta se uvjerimo u to šta oni rade i sa kakvim problemima se suočavaju na terenu", rekao je Milić.

On je posjetio preduzeće za trgovinu, otkup i preradu ljekovitog bilja Maočanka-Commerce, koje se prvenstveno bavi proizvodnjom i izvozom svježih šljive, a koje je prošle godine, prema statistikama Vanjskotrgovinske komore Bosne i Hercegovine (BiH), imalo učešće od 36 posto ukupnog izvoza šljive iz BiH. Obzirom da su izvoz povećali za 100 posto, zamjenik direktora ovog preduzeća Ibrahim Tursunović najavljuje da će ovaj procenat za tekuću godinu biti i veći, saopćeno je iz Vlade Brčkog. "Evidentno je da se kroz pravilnik o podstici-

ju u poljoprivredi ne mogu riješiti svi problemi koji postoje na selu i u poljoprivrednoj proizvodnji. Jasno je da bi bilo najlogičnije razdvojiti pravilnik o podsticajima u poljoprivredi koji bi na neki način stimulirao poljoprivrednu proizvodnju, ulazak u legalne



Potrebno je više vremena provoditi sa poljoprivrednicima

tokove, plaćanje poreza na dodatu vrijednost, zapošljavanje i sve ono što i državi garantuje određeni prihod, a istovremeno i zapošljava ljude, a s druge strane neophodno je planirati sredstva za ruralni razvoj za opstanak sitnih poljoprivrednika. To su očigledno neki principi kojima ćemo se mi morati, prije ili kasnije, vratiti da bismo postigli ciljeve naše politike u ovoj oblasti", istakao je gradonačelnik Milić.

On je razgovarao i sa Vasilijem Ješićem u Stanovima koji se od 2005. godine uspješno bavi stočarstvom.

"Trebali bi svi iz politike da dođu malo u selo i da vide kako se ovdje živi. Hvala gradonačelniku što nas je obišao. Mnogi su otišli iz sela u grad, a moja supruga i ja smo 2005. godine došli iz grada u selo. Od 104

svinje koje smo imali tada, do danas smo značajno povećali proizvodnju, zahvaljujući podsticajima. Osim svinja imamo 50 bikova, 60 ovaca, a radimo 35 hektara zemlje i sva proizvedena hrana ide za vlastitu proizvodnju", rekao je Ješić.

On navodi da tržište najviše zavisi od uvoza i da ova godina nije povoljna za stočare zbog velikog uvoza mesa.

"Smatram da je dobro da poljoprivredni proizvođači budu i poreski obveznici. Ako ja ne platim državi porez na dodatu vrijednost, država nema mogućnost tada da meni plati podsticaj, a ako svi budemo radili na crno, kako ćemo funkcionisati?", istakao je Ješić. Da je sivo tržište potrebno smanjiti smatra i Slavko Blažević iz Boderišta koji se bavi stočarstvom i ratarstvom.

"Posebno mi je drago što je gradonačelnik došao u posjetu da vidi stvarno stanje kod farmera na terenu i da se podsticaji zaista ulažu u opremu, mehanizaciju na njivama i ostalo. Bavimo se stočarstvom i ratarstvom. Izvozimo sjemensku proizvodnju u Srbiju, a pšenica još čeka tržište i izvoz za Tursku ili Italiju. Imali smo 38 bikova koji su prodani. Situacija u vezi sa korona virusom je dopri- jenela tome da prodaja nije išla kako je trebalo i nanijela nam je velike štete. Problemi se javljaju i zbog čekanja na usvajanje pravilnika ali i zbog sivog tržišta koje se mora smanjiti", zaključio je Blažević.

Iz budžeta Brčkog Distrikta za 2019. godinu, za podsticaje u poljoprivrednoj proizvodnji izdvojeno je oko 14 miliona konvertibilnih maraka.



Prvi rezultati istraživanja poremećaja plućne funkcije kod bolesnika koji su u RS-u imali potvrđenu zarazu

Ljiljana Vidačak

Korona ostavila ozbiljne posljedice na plućima pacijenata u BiH



POLOVINA NOVOZARAŽENIH U FBiH je iz Hercegovine. Naime, u HNŽ-u je 70 novozaraženih, od toga 49 u Mostaru; 53 iz ZHŽ-a – 20 u Širokom Brijegu

Liječnici Klinike za plućne bolesti UKC-a RS-a počeli su istraživanje poremećaja plućne funkcije kod bolesnika koji su PCR metodom imali potvrđenu zarazu SARS-CoV-2 i radiološke manifestacije u plućnom tkivu. Pacijente koji su imali teške oblike COVID-19 pozvali su da sudjeluju u istraživanju, a liječnici ističu da ispitivanje pluća nije agresivno. Sudeći po zanimanju i odzivu, inicijativa dobiva na zamahu.

Sumnjivi dezinficijensi

Prvi rezultati potvrđuju našu sumnju da bolesnici koji su imali radiološke manifestacije COVID-a imaju različite manifestacije oštećenja plućne funkcije u obliku srednje teških do teških poremećaja ventilacije i razmjene plinova. Posebno će biti zanimljivo pratiti dinamiku ovih poremećaja s vremenom, što je naš konačni cilj – kazao je za Srpskainfo pulmolog Mirko Stanetić, koji s kolegama provodi istraživanje. Predviđeno je da prvo ispitivanje bude 30 dana od dana prestanka liječenja. Drugo od 60 do 90 dana od završetka liječenja. Osim što će pacijentima ukazati na eventualno ozbiljnije oštećenje pluća, dobit će podatke koji će biti od koristi u budućnosti za praćenje ove skupine bolesnika. I dok se liječnici bave oboljelima i posljedica zaraze, građani se na sve načine nastoje zaštititi od virusa. Jedna od mjera je dezinfekcija ruku na ulazu u zatvorene prostore. No, građani se sve više pitaju čime dezinficiraju ruke. Da zabrinutost nije bez povoda, govori i

slučaj iz Sarajeva gdje je gospodi dezinfekcijsko sredstvo oštetilo hlače. – Bila sam u trgovačkom centru u Sarajevu i miris dezinfekcijskog sredstva bio je vrlo čudan, kao da je sama varikina. Pri uporabi nekoliko kapi mi je kapnulo na hlače. Kada sam došla kući, bila su vidljiva oštećenja na hlačama, ma progorene. Nije mi bilo dobro, jer koliko je onda tek štetno za ruke, za organizam? Tad sam se zapitala što se miješa u ta sredstva jer vjerojatno mnogi ne koriste originalna pakiranja – ispričala je za Faktor Sarajka. U Županijskoj upravi za inspeksijske poslove SZ kazali su da je tijekom kontrole zatvorenih prostora obvezna provjera sredstava za dezinfekciju. Kod sredstava na bazi klora, čija priprema je razmućivanjem u određenoj koncentraciji, inspektori provjeravaju stručnost osoba kojima su ti poslovi povjereni. Vildana Brdarić, stručna savjetnica za informiranje Županijske uprave za inspeksijske poslove SZ, kazala je da u slučaju kontakta sredstava na bazi klora s tamnim tkaninama može doći do izbjeljivanja ili oštećenja iste ako je jača koncentracija.

Posljednji podaci

U BiH koronavirus je potvrđen kod 294 osobe, a prijavljeno je i šest smrtnih ishoda. Svih šest u FBiH. U FBiH su prijavljena 203 slučaja COVID-19, od toga polovina u Hercegovini. U HNŽ-u je 70 novih slučajeva, a u ZHŽ-u 33. U Klinici za infektivne bolesti SKB Mostar preminule su tri muške osobe. U RS je registrirano 90 novozaraženih, a u Brčkom jedno. ●